



GEBRUIK
dagelijks
DOMO POWDER MILK
agents
VELD STORES

Dagblad

voor Aruba

FRESH UP
WITH
7 - UP
agents
VELD STORES



19DE JAARGANG

ZATERDAG 3 AUGUSTUS 1957

No. 2895

Hedvigus Marchena y Richard Mercera a hanja studiebeurs Venezolano

ORANJESTAD.— Richard Mercera y Hedvigus Marchena lo ta e dos promenan di Aruba cu lo probecha di un beurs Venezolano pa estudio, y esei nan tin di gradicé na Sres. N. Rojer y Momon Marchena, kendenan durante di nan vacante na Venezuela a hasi algun averiguacion respectu e chensnan di estudio apropra pa hobennan Antillano cu tin aya.

E dos senjorinan ei a basa nan riba e punto di bista cu pa e Antillano nan hoben, di cua probablemente debi na falta di empleo den Antilla mes, nan lo tin cu bai busca un trabao aya banda, y cu den hopi caso lo esei ta hopi mas ventahoso si nan ricibi nan estudio na Venezuela en vez di na Hulanda of Merca. E investigacion aki a worde haci door di sres. Rojer y Marchena ademas pasobra ya anja ultimo caba mas o menos na e tempnan aki tabatin papia cu gobierno Venezolano lo bai duna na hobennan Antillano studiebeurs.

Pa lora ta toca Aruba e tempo ei no a bini nada afor. Pesei e dos caballeronan menciona, tambe cu encargo di varios otro mayornan Arubiano, a studia un cos y otro na Ve-

nezuela, pero kizas nan lo no a logra resultado asina liher si no ta pasobra cu Consul Venezolano na Aruba a tende di nan interes eiden y mesora a entusiasma pa e asunto.

Gracias na su esfuerzonan y un co-operacion perfecto entre e Ministerionan Venezolano pa Asuntunan Exterior, Asuntunan Interior, Enseñanza y Defensa, awor e dos hobennan aki dia 10 awor lo sali pa Maiquetia na unda nan lo worde ricibi door di representantenan di Ministerio di Enseñanza y Defensa. Cu e ultimo Ministerio aqui tambe tin di haci cu e asunto ta bini pasobra e hobennan lo bai studia sea na lyceo „Gran Mariscal de Ayacucho“ of na e lyceo „Jauregui“, tur e dos lyceonan aqui

ta organiza riba un base militar manera ta costumber na Venezuela. E beursnan cu e hobennan a hanja ta inclui pasage gratis pa Venezuela, estudio liher, hospedage y hasta ainda Bs. 10.— pa siman pa nan tene den nan sacu.

ENTREGA DI DIPLOMA DI EHBO

ORANJESTAD.— Dialuna anochi e directiva di Koninklijke Vereniging EHBO lo haci entrega di e diplomanan na e personanan cu ultimamente a pasa examen cu exito pa e curso aki.

Esaki lo sosode den Trocadero pa cuarto pasa di ocho.

Seleccion Costariense ta hunga na Aruba Dialuna anochi

(Di nos Sportreporter)
ORANJESTAD.— Por fin e delegacion di Costa Rica cu ta actualmente na Corsow y directiva di AVB a yega na un acuerdo y a worde fihá un partido entre e seleccion Tico contra di e Seleccion Arubiano. E interesantísimo partido aki lo worde hunga Dialuna anochi den Wilhelminastadion. Fania di e ticonan como futbolista ta algo universalmente conoci. Manjan atardi den Rijstadion na Cor-

MATRAS
TEXAS FURNITURE STORE
Emmestraat 5 - Tel. 1082 - 1083

sow e equipo di Costa Rica tin un fuerte encuentro contra di Corsow, partido valido pa e vuelta preliminar na e campeonato mundial cu otro anja lo worde teni na Stockholm, Suecia. Esaki lo ta promer biaha cu un seleccion di Costa Rica lo hunga na nos isla. E varios equiponan cu a yega di actua na nos isla a laga impresion masha grato y nos ta sigur cu contratando e equipo di Costa Rica, AVB ta yena un deseo di hopi fanatco cu tin masha hopi gana di mira e oncepto aki den accion. Especialmente como nos muchanan na Honduras a duna e oncepto di Costa Rica, cu luego a sali campeon di e VII campeonato Centroamericano y del Caribe de futbol, un masha bon partido.

Prensa di Tegucigalpa, capital di Honduras canuida e campeonato a worde teni, a elogio nos muchanan masha hopi pa nan actuacion contra di e ticonan. Ta un gran oportunidad ariba nos propio tereno y cu nos propio publico di duna e oncepto tico un otro gran partido y te hasta talvez nos muchanan por logra un victoria.

NOTICIA DI OPENBARE LEESZAAL

ORANJESTAD.— Actualmente hopi boeki nobo ta den circulacion den e Openbare Leeszaal y Boekerij na Oranjestad. Tambe den e departamento pa e hubentud, dilanti di Postkantoor, nan ta hanja miles di boeki pa mucha. Como awor ta vacacion di e muchanan di school, e muchanan miembro (te cu 16 anja) por fia dos vez mas hopi boeki cu di custumbra. Nos ta conseha e mayornan, kende nan jiu no ta miembro ainda, pa haci esaki. E biblioteca hubeni ta habri tur dialuna, diarazon, dia huebs y diasabra merdia, tambe dia-

Weer naar Nederland



Op deze foto zien wij ds. Schalekamp, de vlootpredikant van de Marliners op Aruba, die gistermiddag uitgelide gedaan door tientallen vrienden en kennissen weer naar Nederland is teruggekeerd. Hier zien wij hem terwijl hij enkele dagen geleden van Gretchen Polvliet namens een aantal vrienden een cadeautje speciaal voor zijn echtgenote in Holland in ontvangst mocht nemen.

sabra mainta. No ta necesario pa conseha e mayornan pa bira miembro di leeszaal. Solamente nos ta bolbe recorda, cu alomas cu nan ta duna presta un gran cantidad di boeki, e edificio cu ta keda den Wilhelminastadion tin tambe un sala grandi y fresco pa lesa, caminda bo por hanja miles di corant y revista di Hulanda gratis pa lesa. No tin mester di bira miembro pa haci uso di e leeszaal, tampoco si bo kier lesa boeki den e leeszaal. Henter siman, mañita y merdia e leeszaal ta habri y tambe riba diamars anochi y diabierna anochi. Nan ta fia e boekinan solamente den oranan di atardi y anochi. E gran circulacion di boeki, entre nan hopi pa mucha, tambe e personanan por hanja na e sucursal na San Nicolas.

NO TABATIN DECISION AINDA DEN E MATCH DI HERSENGYMNASTIEK ENTRE BONAIRE CLUB-ARSENAL

ORANJESTAD.— Na principio tabata como si fuera cu e victoria di 10-9 di Arsenal riba Bonaire Club durante di e ultimo encuentro di hersengymnastiek organiza pa Amstel, cu Arsenal lo tabata e ganador definitivo, pero ayera nos a tende cu e victoria ultimo aki te ainda no ta sigur pasobra a worde resolvi cu tur e dos clubnan Diarazon awor anochi den Rio Club cada uno lo hanja cinco pregunta mas pa contesta. E motivo ta cu a worde haci na Bonaire Club tur de buena confianza un pregunta cua despues a resulta cu e no tabata bon. A worde puntra kiko ta meen e palabra Papiamento „sabarío“ y riba esei e grupo no por a duna contesta. E lider di e match ora cu e tempo determina a pasa, ela conta cu segun un boeki di dr. Joh. Hartog un „sabarío“ ta un sandaal cu baanchi di cuero. Siembargo despues di investigacion mas aleu a bin resultando cu baanchi di cuero ta un

DE ARUBA VOETBAL BOND

presenteert

in het WILHELMINA STADION

heden om 8 uur n.m.

DAKOTA vs. ARUBA JUNIORS

(Hoofdklasse)

Toegang fl. 1.00 - fl. 0.50

Heden om 4 uur n.m.

TROPICAL vs. MARINIERS

(A-klasse)

Zondag, 4 Augustus om 4 uur n.m.

UNION vs. ESTRELLA

(A-klasse)

Toegang fl. 0.50

Awe nochi Aruba Jrs. contra Dakota

(Di nos Sportreporter)

O'STAD.— Segunda vuelta di e campeonato 1957 ta cuminsa awe nochi cu e partido entre Aruba Jrs y Dakota. E dos oncenanan aki a habri e competitie 1957 resultando e oncepto di Socotoro victorioso cu score di 6-1.

Pero despues di e derrota sufi den e promer partido, Los Amarillos a obtene tres victoria terminando e promer vuelta mercedamente den segundo luga. Unicamente Aruba Jrs y RCA a derrota Dakota den e promer rond, mientras cu e otro tresnan a ser supera pa Los Amarillos. Apesar di falta dos fugadon den linea delantera e oncepto dakotenja a obtene dos victoria den e dos ultimo weganan y a hunga cu mas entusiasmo cu custumbra. Esaki ta un punto psicologico cu hopi biaha ta yuda un equipo masha hopi. Un punto hopi debi di e oncepto di Dakota ta continua e posicion di portero. Hans Wiersma mucho biaha ta bira sumamente nervioso y consecuentemente ta hunga descontrola. Si centerhalf Maduro por sigui hunga manera den e ultimo partido contra di Hollandia, e lo resulta den un gran ayuda pa su companjeronan.

Aruba Jrs ta na cabez di e campeonato den compania di Los Tricolores

y ta hungando un futbol cu hopi calma y controla. Regreso di centerhalf Chia Brion ta un gran ayuda y indubablemente ta yuda masha hopi den formacion di combinacionnan efectivo. Defensa di Aruba Jrs ta fuerte manera semper. La Rosa ta dunando senjas di a hanja su potencia den shootnan back, mientras cu Phillips ta hunga su wega consistente. Linea delantera di Aruba Jrs ta pasando hopi di e gran temporada cu Kemp ta pasando aden. Tambe e diminuto alero robes di Los Azules ta dunando bon resultado y semper bai ta un amenaza pa e oncenanan contrario.

Apesar di e aplastante victoria di Aruba Jrs den e promer rond, nos ta kere cu e partido di awe nochi lo resulta interesante ya cu e hoben oncepto di Dakota ta uno cu un ora pa otro por percura pa un sorpresa. Nos nor recorda com teniendo e oncepto di RCA na un empate na anja 1955, nan a haci e diferencia den adquisicion di e titulo pa e oncepto di Solito.

ARUBA VOETBAL BOND,

ta presenta Dialuna 5 di Augustus, 8.30 p.m.

e grandioso encuentro entre nada menos cu e gran

Oncena di Costa Rica

e team Nacional cu lo no tuma parti na e torneo di Curacao,

contra e mihor

seleccion di Aruba

Bin anima nos muchanan y no falta di mira e oncepto aki cu ta un di e mihoran di Centro America, cu ta encaminando

pa e copa mundial na Stockholm.

Prijs: Tribuna Fls. 4.00

Staanplaats Fls. 2.50

Kaarchi di venta 7.00 p.m. na Stadion.

Cuater generacion



Cuater generacion di e mes familia Yugoslavo aki ta muestra masha contento na momento cu nan ta saliendo cu nan papeinan como ciudadano Americano na Chicago den nan man. Mathis Thoeber na robes tin 72 anja y e ta e bisabuelo. Te na drechi ta sra. Maria Andor cargando su jiu Ingrid di 18 luna y Ingrid ta ciudadano Americano pa nacemento.



Baby's coming along fine on Lactogen

WISE MOTHERCRAFT... the guidance of your own doctor... and choice of food are vital at this stage of your baby's development.

THROUGHOUT THE WORLD, doctors and mothers alike turn with confidence to nourishing, balanced, all-milk Lactogen for bottle feeding requirements.

LACTOGEN IS CONVENIENT to use, uniform and safe, and because it is so easy to digest, it is of great benefit in avoiding and even correcting underweight conditions.

- A modified whole cows' milk in powder form with added vitamins A and D and iron.
- You mix it with lukewarm, boiled water—and baby's bottle is ready!

ask your doctor about



LACTOGEN



1940

Tom Richardson, gran detective di fama mundial

E drama den teatro des Varietes

Pa TUYUCHI

„Bao di qui number el a present'e na bo?"
„Como John Bachly?"
„El a pidi bo caba di bira su muhe?"

„Si. E tin un manera admirabile di conbersa. I e tin un animo sobresaliente. Mi a consider'e como un curazon ardiente i n'a drenta cu'e na casa cu'e, despues cu nos a niamora otro seis luna largo?"

„Cuanto tem b'a queda casa cu'e?"
„Apensas dos semant!... Riba un bon dia el a desaparece hunto cu tur mi placa cu m'a spiar i cu ta monta un suma di 15.000 dollar. Algun semant pasa el a skirbi mi un carta foi Chili, den cual el a pidi mi masha pordon i a jama su mes un miserable. El a bisa mi cu tur su plannan ta cla caba pa e comete un suicidio i cu ora mi ricibi su carta, ya lo e no ta na bida mas!"

„B'a quere anto cu el a muri?"

„Si. Algun dia despues m'a leza den corant cu nan a saca cadaver di diferente persona desconoci foi lamar na Chicago. Segun mi opinion, morto di mi casa mester tabata den nan. Foi e dia ai mi tabata considera mi mes como viuda... E anja aqui, Sr. Burling a sobrecarga mi cu atencionnan i el a pidi mi pa casa cu'e. M'a quere cu tranquilidad lo mi por a pertence na dje. Ademá di esai mi tabata sinte tambe. E quier a celebra nos compromiso. Mi tabatin idea di bandona escena mi tabata sinte tambe. E quier a celebra nos compromiso. Mi tabatin idea di bandona escena despues cu mi contract a termina. Mi tabata sinti mi masha feliz. Figura bo mi spanto. Sr. Richardson, ora cu m'a presenta ajera noch i m'a mira e hombre... e casa di mi cu mi ta considera morto, sinta tranquilo di dje den un dje logenan ta mira funcion. Mi a reconoce unbez aunque cu e barba cu punta cu e na unda antes. Mi tabata completamente desespera. I foi esai lo bo por comprende mi proceder. Mi no quier a risa bise Fred Burling tur cos... Mi tabatin miedo cu e ora ai inmediatamente lo e quibra tur nos relacion amistoso. I le no casa mas cu mi!"

„Esai mi ta comprende completamente tambe. Sin embargo mi tin conviccion tambe cu Sr. Burling lo no bira lomba pa bo asina facil, ora cu e tende cu antes bo tabata victima di un tal estafador matrimonial. I cu bo ta un muhe honrada?"

E pover muhe tabata sonrei den su lagrimanan. I por a mira cla cu awor el a cuminsa hanja poco speranza trobe.

„Awor bo mester juda mi na desmascara e malbado ai", e detective a bisa. „E mester hanja su castigo mereci pa su crimenan vil!"

„Lo mi haci tur loke bo ta desea di mi!"

„Mi tabata quier a hanja un prueba palpable cu e malbado ai a comete un atentado riba bo den teatro des Varietes. Pero lo ta dificil pa mi na demonstra su culpabilidad, si acaso nos no dun'e ocasion di ripiti un asalto. Lo mi queda continuamente den bo cercania inmediata i absolutamente nada lo no pasa bo!"

„Mi n' tin miedo. Mi por yuda bo!"
„Bo por haci esai, skirbiendo e malbado un carta cu ami lo dicta bo!"

E artista a lanta i a bai sinta na su escritorio i a cohe papel cu inkt i pen.

„Ta quico mi mester skirbi?"

„E conoce bo handschrift?"

„Si, antes mi a yega di skirbi diferente carta i como mi manera di skirbi ta stranjo, unbez bo e reconoce esai!"

„Sublime. Pues skirbi anto loke mi ta dicta bo aqui!"

„Senior John Bachly."

M'a tende cu bo ta bira den quinta Avenida riba prome piso bao di number di William Andrew. Bo ta bira aya den empania di un dama quende indubablemente ta un di bo infeliz victima nobo. Ni n' ta gusta larga nan cerra un heide den prison, pero lo mi haci esai cu bo sin vacila ni un momento, si acaso bo no bandona New York inmediatamente. Larga e dama cu bo ta lanta cu'e atras i no trata na ruina su placa manera b'a haci cu mi."

„Mi conoce ainda mas victimanan di bo mailanan malbado i mi sa cu b'a cerra hopi matrimonion bao di number di Bob Tillary, Henry Mithrie, etc."

„Si denter di 24 ora bo no a bandona e luga aqui, anto mi ta bai quera bo i e ora ai lo bo por pasa resto di bo bida den prison di Sing Daisy Weber!"

„Bueno. Skirbi e adres noma si bo quier. E ta Sr. William Andrew, New York, Quinta Avenida, 235, prome piso."

Miss Weber a termina su carta. Richardson a leza e carta over i a sagudi cabez satisfecho hinkando e papel den su saeu.

„To despues", Miss Weber. Mi ta spera cu e letterman aqui lo logra nan influencia. I e e miserable lo cai den trampa. Esai lo bai pasa varios anja den prison di Sing Sing!"

„Ta loke tumbe e ta mereci" Daisy a declara jen di conviccion.

Tom Richardson a bai busen Paul, quende el a pone na altura di loke e bailarina a bisa di e hombre cu barba pretu.

„Pero lo nos por arresta e malbado ai unbez anto". Paul a grita jen di animo.

„Indudable!" Richardson a responde. „Pero e ora ai e asunto ta cu nos mester arrest'e como un estafador matrimonial. Pero ademá di esai mi quier arrest'e riba un esfuerzo pa asesinato. I ta p'esai e carta aqui ta necesario. Bao di un of otro pretexto lo mi bai cerca e tipo ai i ora cu mi t'ai como 5 minuut, bo mester trece e carta aqui i bisa e concienge cu ta un carta di apur pa su hefe. E ora ai lo mi mira qui efecto esaiqui lo haci riba dje. I cu majan nos por spera un otro asalto!"

„Di esai nos ta sigur i nos mester ta na nos punto tambe!"

„Larga nos spera tur cos", i cu e palabranan e maestro a bai libe na cas di William Andrew."

MATRAS
TEXAS FURNITURE STORE
Emmstraat 5 - Tel. 1082 - 1083

Un plan peligroso

Richardson a bati klok na cas di William Andrew.

„Mi number ta Trenken", el a bisa e eriar cu e bin-abri porta p'e. „Bo quier presenta mi i bise Sr. i Sr. Andrew cu mi quier entrevista nan pa un caso urgente?"

E mucha muhe a larg'e drenta den un salon masha luhoso, na unda el a contra cu Andrew i esaiqui su muhe. E detective a saluda nan masha respetuosamente.

„Boso no mester tuma mi na malu cu mi ta drenta aqui manera un intruso", el a bisa. „Pero m'a bini aqui pa un asunto masha interesante!"

Andrew a queda ta mira e hombre cu su cara palido i e tabata muntra manera e tabata masha excita.

„Ta parece mi cu nos a yega di mira otro un biaha caba", el a responde. „Pero mi n' por recorda ta na unda..."

„N' ta stranja mi nada cu bo n' ta recorda esai. Nos a mira otro ajera noch den teatro des Varietes, ora cu pa exageracion m'a drenta den e loge camina bo tabata sinta!"

„Oh, si! En realidad, i mi por puntra ta na quico mi tin e honor di gradici bo bishita?"

„Indubablemente bo mester tabata testigo asalto mortal asina vil cu a ser cometi riba e bailarina Daisy Weber durante e funcion ajera noch?" Richardson a puntra na un tono de lo mas cariñoso.

Andrew a bira mas bleck i aparentemente el a bira awor ainda un poco mas excita. Pero su muhe a grita:

„Nos no a mira esai. Ya nos tabata p'afor caba e ora ai. Pero ta awe

maina noma m'a leza e relato ai den corant... Ta terrible! Com ta posible cu un hende por t'asina baho i vil pa mata un criatura asina desampara?"

„Si, enberdad", Andrew a responde cu un expresion falso den su stem, mescos cu su muhe. „Ta di pera cu pronto poliznan lo logra hanja e autor ai!"

Richardson a hiza su skouderman.

„Riba e punto ai nan tin masha poco speranza", el a bisa. „Nan no a descubri ni di minimo rago di esai... Ta hustamente p'e motibo ai mes ami a bin bishita bo!"

„Nos?" Andrew a puntra.

„Si. Ami ta e recherche cu ta encargá cu e investigacion aqui!"

E hombre a spanta terrible, pero el a domina su mes bunita, pero no asina tanto cu Richardson por a larga di ripara.

„Nos?" e hobencita a puntra alavez.

„Si. Pero mi ta supone foi awor caba cu boso no por bisa mi nada mas cu mi no sa ainda. Boso a bisa toch cu ta foi corantnan boso a tende di un tal asalto?"

„Nos a bandona e teatro", e muhe a ripiti. „Mi no tabata sinti mi culpa bon i francamente bisa, mi tabata masha bao di impresion, ora cu m'a mira com na su segundo presentacion e bailarina a queda ta mira mi casa duro den su cara, como si fuera ta un enemigo di dje mi casa por tabata!"

„I bo no conoce?" e detective a puntra Andrew, quende a cuminsa ta sagudi terrible cu su cabez i a bisa:

„Naturalmente cu no. Nunca den mi bida mi n' mira e muhe ai!"

„I e cos di mas stranjo di enter e caso aqui ta, cu Daisy Weber ta nenga di duna tur informacion!" Richardson a ripiti. „Ni de capotero e no quier bisa ni un pia di palabra. Su namorado Fred Burling a menaze na quibra su compromiso cu'e..."

Pero ni siquiera esai por a pone e mucha muhe aqui papia. El a queda warda silencio caprichosamente. „I esai mi ta hanja masha stranjo di dje..."

„Oh, mi ta duda cu un dia e asunto aqui lo ser solucioná. Mi ta quere cu e ta masha bao di impresion. M'a pensa asina, eu abo, foi e prome loge di banda, lo mester a ripara algo cu bo por yuda mi solucioná e problema aqui. Bo n' ta tima mi na malu cu m'a bin molestia boso?"

Awor noma Andrew por a hala rosen un poco mas tranquil.

„Oh, absolutamente. Bo no tin paquico desculpa bo. Sr. Trenken", el a bisa. „Pasobra loke bo ta haciendo awor aqui ta simplemente bo deber!"

Net n'e momento aqui e mucha muhe crier a drenta i a trece un carta na e hombre. Cu tabata skirbi p: Daisy Weber.



NESTLÉ'S Quik



Add 2 heaping teaspoons of QUIK powder to your glass of cold milk—stir—and drink. It's ready instantly—good! QUIK has a rich, real chocolate flavour, the kind only Nestlé's can make!

Delicious QUIK stays mixed too—it's always chocolaty all through. Today—try QUIK for the chocolate drink that needs no fuss—no bother. Serve it hot or cold—it's delicious either way!



WITH THAT FAMOUS
NESTLÉ'S
SWISS CHOCOLATE FLAVOUR

(E ta sigui)

EL CISCO KID

Por José Salinas y Rod Reed



Juan Dogo a bai bisando Rojo Riancho: Awor cu mi bin tuma placa, lo mi trese algun soldaat, i si boso no ta pagani mi placa, anto boso nan lo perde boso rancho. I e la bai tambe sin bisa un palabra mas. I pover Besugo ta ei bao ainda, sin ningun hen'i pa yudele. Mientras tanto Cisco mes ta en buska di Pancho ainda, sin por hanjelo ningun kaminda. Tur e mondi e la pasa kaba, i toch ainda en por mira Pancho, ni e kabai.

Den esei e la yega den un mondi unda tin solamente baranka, i ora e la rek su kabes mira over di e baranka, e la spanta. E la mira Pancho mara na un palo, i tur e Indiannan rond di e pover hombre. E la bisa den su mes: Mi niamá dushi, nan ta bai haci un sacrificio cu Pancho. E la cuminsa kana, pasobra cu e la bisa: Mi mester salva Paicho na un of otro manera, con cu para lo keda.

Loke hopi hende quier a sa

Indubablemente tin algun lector cu ta interesa nan pa ciencianan exacta i natural. Den e caso aqui nos ta invita nan na dirigi na nos e preguntanan cientifica, cualnan su contesta por aclara algun duda riba cualquier problema. Pa nos parti nos ta haci tur nos posible na responde, facilita e documentacion necesaria i pone e lector en relacion cu e servicionan competente di Unesco. Por socede cu den algun caso ta posible na duna un contesta categorica of tambe cu e contesta planteá pur encontre sometí na controversia. Pesal por consiguiente, nos no por comprometi nos na responde tur pregunta. Finalidad dje servicio aqui ta na pone na disposicion di lectornan e facilidatnan di investigacion cu di otro moda lo ta difícil of incluso inalcanzable. Por dirigi e preguntanan na:

(UNESCO)

PERSPECTIVA DE LA UNESCO

Servicio de Preguntas y Respuestas

Division de la Prensa

19 Avenue Kléber, Paris (16)

Ta parece nos cu tin hopi lector ta

interesa nan pa asunto di sonjo. Nos tin siete pregunta formula respectu esai:

1) Pregunta: Por ta berdad cu e sonjo cu ta duna mas satisfaccion ta e sonjo di despues di mei anochi?
Contesta: No. Oranan di anochi ni

di dia no ta cherce riba nan ningun influencia respectu e calidad di sonjo. En cambio di esai, ta cierto cu e deseano di mas profundo ta esun di don prome oranan dje sonjo. Esai a ser comproba midiendo e „ondanan di cerebro" cu e aparato cu ta registra e descarga electrica debil cu ta produci e actividad dje cerebro.

Durante e prome oranan di sonjo, e ondanan aqui ta casi imperceptible, pero despues di dos ora nan ta bolbe manifesta nan recobrando nan intensidad normal den momento di dispierta.

Un hende ta drumi diripiente, pero un sonjo di ocho ora, ieneralmente major parti dje oranan aqui e drumido ta lanta. I generalmente e „largo despertar" aqui ta cuminsa despues di mei anochi.

2) Pregunta: „Ta berdad cu Napoleon no tabata drumi mas cu cuater

ora of menos? I si esai ta cierto, ta di com ta posible splica e pretencion cu majoria parti di hende tin un necesidad di ocho ora di sonjo?"

Contesta: Como cu nos no conoce ainda e naturaleza exacta di dje proceso di reparador di sonjo, nan ta ignora paquico generalmente ta necesario ocho ora di sonjo. Den actualidad esai no ta nada mas cu un simple comprobacion. Nan sa tambe cu e periodo di sonjo necesario ta varia segun e individuonan ta. Algun hende ta descansa completamente despues di a drumi bolter i bira sielo ora di sonjo, mientras otro nan tin mester di nuebe ora.

(E ta sigui)

Abona riba
Arubaanse Courant

BTAOTA



LOOK AT THESE PICTURES!

WAAK E PORRETNAN AKI!

Injury - Pain - Sorrow

Herida - Dolor - Tristeza

Don't Let It Happen

No Laga Esaki Pasa

TO YOU

CU BO

SLOW DOWN - LIVE!

BAHA VELOCIDAD - BIBA!



This ad sponsored by

LAGO OIL & TRANSPORT CO., LTD.

IN THE INTEREST OF COMMUNITY SAFETY